



*Entidade Local Menor
de Bembrive*

**ACTA DA SESIÓN ORDINARIA DA XUNTA VECIÑAL NÚM. 1/2020, DO DIA 27 DE
FEBREIRO DE 2020**

Na sede da Entidade Local Menor de Bembrive, sendo ás vinte horas e dez minutos do xoves día 27 de febreiro de 2020, previa convocatoria de sesión ordinaria realizada pola Alcaldía Pedanía mediante Resolución de 21 do mesmo mes, reúnese a Xunta Veciñal, baixo a Presidencia da Primeira Tenente de Alcaldía, D^a. Patricia Otero Carrera (designada por resolución do 10.02.2020, con motivo da ausencia do titular por enfermidade), asistindo os seguintes vocais:

D. Jose González Domínguez	PSdeG – PSOE
D ^a . Antía González Fernández	PSdeG – PSOE
D. Manuel Costas Costas	PSdeG – PSOE

Non asiste o Alcalde Pedáneo, D. Marcos Castro González (do PSdeG – PSOE), ao permanecer en situación de Incapacidade Temporal.

Asiste á sesión en calidade de secretaria da Corporación D^a. Patricia Alvarellos Leis.

A continuación, procédese ao obxecto da sesión o tratamento e resolución dos seguintes puntos da

ORDE DO DÍA

I. PARTE RESOLUTIVA:

- 1. Acta anterior:**
- Núm. 12/2019, do 18 de decembro de 2019.
- 2. Proposta da Alcaldía sobre o expediente de Recoñecemento de Créditos núm. 2/2020 por importe de 11.264,66 €.**

II. PARTE DE CONTROL:

- 3. Resolucions da alcaldía – pedanía.**
- 4. Rogos e preguntas.**

Ábrese a sesión pola Sra. Alcaldesa Pedánea á hora arriba indicada.

Acto seguido, procédese ao tratamento dos puntos da ORDE DO DÍA:

- 1. Actas anteriores:**
- Núm. 12/2019, do 18 de decembro de 2019.

Acta da sesión ordinaria da Xunta Veciñal núm. 1/2020, do 27.02.2020



Entidade Local Menor de Bembrive

Sometida á consideración da Xunta Veciñal o borrador da acta da sesión citada, distribuída coa convocatoria desta sesión, e ao non producirse intervencións, declárase aprobada por unanimidade dos asistentes.

2. Proposta da Alcaldía sobre o expediente de Recoñecemento de Créditos núm. 2/2020 por importe de 11.264,66 €..

Dase conta do informe-proposta da Sra. Primeira Tenente de Alcaldía de data 21 de febreiro de 2020, co seguinte contido:

“En relación co expediente de aprobación do recoñecemento extraxudicial de créditos número 2/2020, emito a seguinte proposta, con base aos seguintes,

ANTECEDENTES DE FEITO

PRIMEIRO. - Examinada a relación de xustificantes de gasto (unha factura) que se recolle no listado que se adxunta, comprobouse que corresponde a un subministro realizado correctamente ao longo do ano 2015 polo que procedería o recoñecemento da obrigaón económica dela derivada, así como o seu posterior pagamento en cumprimento do principio do non enriquecemento inxusto, tal e como se indica na memoria emitida pola Primeira Tenente de Alcaldía-Pedanía con data 17 de Febreiro de 2020.

A antedita factura non foi aprobada nin imputada ao orzamento do ano no que se executou o gasto por carecer de consignación orzamentaria.

Posto que se trata dun ben subministrado nun exercicio anterior, consonte a normativa reguladora da facenda local o mecanismo axeitado para a súa aprobación e pagamento é a inclusión nun expediente de recoñecemento extraxudicial de créditos por conta das aplicacións orzamentarias do ano 2020.

SEGUNDO. - Que con data 20 de Febreiro de 2020 emitíuse informe por parte da secretaria-interventora, que obra no expediente.

LEXISLACIÓN APLICABLE

- *Artigos 163, 169.3, 173.5, 176 a 179 do Real Decreto Legislativo 2/2004, do 5 de marzo, polo que se aproba o Texto Refundido da Lei Reguladora das Facendas Locais (TRLRFL).*
- *Artigos 25.1, 26.1, 60.2 do Real Decreto 500/1990, do 20 de abril, que desenvolve o Capítulo primeiro do Título sexto da Lei 39/1988, do 28 de decembro, Reguladora das Facendas Locais (TRLRFL).*

Por isto, visto o informe da secretaria-interventora que obra no expediente, dispoño que pase o presente expediente para o seu debate e aprobación na vindeira sesión ordinaria da Xunta Veciñal que se celebre, coa seguinte:

Acta da sesión ordinaria da Xunta Veciñal núm. 1/2020, do 27.02.2020



Entidade Local Menor de Bembrive

PROPOSTA DE ACORDO

PRIMEIRO. - Tomar conta das observacións feitas pola secretaria-interventora no seu informe de data 20 de febreiro de 2020, que consta incorporado ao expediente, e levantar o reparo suspensivo correspondente.

SEGUNDO. – Esta Alcaldía proponlle á Xunta Veciñal que adopte, se procede, o seguinte ACORDO:

Aprobar o recoñecemento extraxudicial de créditos núm. 2/2020 a efectuar ao abeiro do artigo 60.2 do R.D. 500/1990, de 20 de abril, para o abono da factura número A2015/A/798, de data 23/09/2015, emitida pola entidade “GRUFISAS, S.A.”, con NIF A-33.010.968, baixo o concepto “Subministro 628 caixas de sidra, 14 palets de madeira e etiquetas festa da sidra” por importe de 11.264,66 euros.

TERCEIRO. - Aplicar, con cargo ao orzamento do exercicio 2020, o correspondente crédito con cargo á aplicación presupostaria 338.221”.

.....

Informe da Secretaria Interventora do 20.02.2020, no que se interpón reparo suspensivo:

Conclusións:

Primeira. - As prestacións amparadas na factura incluída no presente expediente foi obxecto dunha contratación irregular, na medida en que foi adquirida sen control previo por parte da Intervención desta Entidade e, polo tanto, sen verificar a existencia de crédito orzamentario no momento de realizar o encargo da prestación correspondente, o que supón, conforme ao disposto na normativa sobre contratación, a nulidade absoluta ou de pleno dereito da relación comercial entre a Entidade Local Menor e as persoas ou entidades prestadoras dos servizos de referencia. A estes efectos, cabe mencionar que a infracción dos preceptos contados no TRLCSP atópase tipificada como falta moi grave na normativa vixente, incurrindo as autoridades e persoal responsables das actuacións de carácter irregular en responsabilidades de diversa índole tal e como se ten exposto no presente informe.

Segunda. - En virtude do principio xeral do dereito según o cal ninguén pode enriquecerse en detrimento de outro, nace unha obrigación ex lege, e a Administración ha de restituir o enriquecemento. Por tanto, o expediente de recoñecemento extraxudicial de créditos previsto no artigo 60.2 do RD 500/1990, que ven a dar resposta á situación administrativa que nos ocupa, preséntase como un instrumento de gasto para facer efectiva a liquidación prevista no apartado 1 do artigo 35 do TRLCSP, que trae causa da resolución dun expediente de revisión de oficio e a sua finalidade é evitar o enriquecemento inxusto da Administración.

Terceira. - Toda vez que o procedemento de recoñecemento extraxudicial de crédito supón imputar ao orzamento corrente gastos realizados sen contar coa consignación orzamentaria correspondente, a sua utilización debe aplicarse con carácter excepcional, correspondendo a competencia para a adopción do acordo á Xunta Veciñal da Entidade Local Menor.

Cuarta. - No expediente consta a factura correspondente, memoria da Primeira Tenente de Alcaldía no que se expón brevemente as causas que impediron a tramitación das facturas conforme aos procedementos previstos na normativa de contratación, así como a dilixencia da mesma incorporada na factura que conforma o expediente na que expresa a conformidade co subministro realizado que

Acta da sesión ordinaria da Xunta Veciñal núm. 1/2020, do 27.02.2020



Entidade Local Menor de Bembrive

se describe no respectivo documento, en canto a calidade, cantidade e prezo, facendo constar expresamente que a súa imputación aos créditos do orzamento vixente non afectará ao normal desenvolvemento dos servizos e actividades que presta a Entidade Local Menor de Bembrive.

Quinta. - Cabe sinalar que a contía que representa o gasto derivado do presente expediente supón unha diminución da capacidade de financiamento da ELM de Bembrive en termos de contabilidade nacional, a súa aprobación e execución pon en risco o cumprimento do principio de estabilidade orzamentaria así como o teito de gasto computable, coas consecuencias que se derivan de tales incumprimentos na normativa de aplicación, en particular, incorporar á realización de calquera gasto a certificación de existencia de crédito adecuado e suficiente asinada pola Interventora desta ELM.

A estes efectos, cabe mencionar que como consecuencia do incumprimento do obxectivo de estabilidade orzamentaria na liquidación orzamentaria, a Entidade Local Menor de Bembrive deberá aprobar un plan económico-financieiro que permita, no ano en curso e no seguinte, o cumprimento do citado obxectivo e da regra de gasto, co contido e alcance previstos nos artigos 21 e seguintes da Lei Orgánica 2/2012, de 27 de abril, de Estabilidade Orzamentaria e Sustentabilidade Financeira, nos termos expostos nos sucesivos informes de intervención ás liquidacións orzamentarias.

Sexta. - Tendo en conta a situación descrita deben seguir adoptándose as medidas de xestión económica e orzamentarias precisas para evitar que se repita a circunstancia de ter facturas pendentes de aplicar, correspondentes a exercicios pechados para ser aprobadas no vindeiro ano. Así mesmo, deberán establecerse mecanismos de control do gasto no exercicio 2020 que garantan que este se execute previa comprobación da existencia de crédito axeitado e suficiente e da correcta realización das previsións de ingresos, xa que un dos principios esenciais da xestión do gasto público é o da preceptiva existencia de crédito con anterioridade á súa realización. As obrigacións da facenda local nacen aínda que non exista dotación orzamentaria agora ben, para que sexan esixibles e se proceda ao seu pago, en condicións normais, debe existir a correspondente consignación orzamentaria.

Neste mesmo orde de ideas e tendo en conta actual coxuntura socio-económica é preciso advertir que a Lei Orgánica 2/2012, de 27 de abril, de estabilidade orzamentaria e sustentabilidade financeira, no artigo 7.2 dispón que a xestión dos recursos públicos estará orientada pola eficacia, eficiencia, a economía e a calidade, a cuxo fin aplicaranse políticas de racionalización do gasto e de mellora da xestión do sector público.

Os actos administrativos, os contratos e os convenios de colaboración, así como calquera outra actuación das Administracións Públicas que afecten aos gastos ou aos ingresos públicos presentes ou futuros, deberán valorar as súas repercusións e efectos e supeditarse estrictamente ao cumprimento das esixencias dos principios de estabilidade orzamentaria e sustentabilidade financeira (artigo 7.3 da Lei Orgánica 2/2012, de 27 de abril, de estabilidade orzamentaria e sustentabilidade financeira).

O gasto proposto neste REC 2/2020, ao executarse por conta do capítulo 2 do orzamento e financiarse integramente con recursos propios e non con ingresos afectados de orixe externa (subvencións e achegas doutras entidades), afectan ou interveñen no cálculo da estabilidade orzamentaria da Entidade, entendida como capacidade ou necesidade de financiamento consonte os criterios establecidos polo Sistema Europeo de Contas Nacionais ou Rexionais. A grandes rasgos e sen prexuízo dos axustes que sexa preciso practicar, en termos xerais se os gastos non financeiros (obrigacións recoñecidas dos capítulos 1 a 7 que xordan da liquidación do orzamento deste ano) son superiores aos ingresos non financeiros (dereitos recoñecidos dos capítulos 1 a 7 liquidados) a entidade local incurriría nunha situación de necesidade de financiamento e inestabilidade orzamentaria, coa conseguinte obrigación de aprobar un plan económico-financieiro nos termos do artigo 21 da Lei Orgánica 2/2012, de 27 de abril. En caso contrario, se os ingresos non financeiros son superiores aos gastos a entidade presentará capacidade de financiamento.

Acta da sesión ordinaria da Xunta Veciñal núm. 1/2020, do 27.02.2020



Entidade Local Menor de Bembrive

Feita esta advertencia cómpre indicar que a experiencia do último ano amosa unha situación na que esta Entidade cumpre co obxectivo de estabilidade orzamentaria regulado no artigo 3 da Lei Orgánica 2/2012, arroxando unha capacidade de financiamento de 2.035.878,29 €. Así o demostra os datos da última liquidación aprobada do ano 2017, se ben ese dato débese ao ingreso do xustiprecio polos terreos destinados á obra “Ampliación do CUVI 2º fase” e ao feito de non poder aplicar a modificación de crédito aprobada na Xunta Veciñal o 20/09/2017 por importe de 777.255,18 € debido a situación de excedencia por coidado de familiares da titular do posto de Secretaría-Intervención.

Sétima. - Según os datos contidos na base de datos de contabilidade da Entidade, na actualidade existen por diversos motivos alleos a esta Intervención un elevado número de facturas de exercicios anteriores que se atopan pendentes de conformidade, tramitación, aprobación e posterior pago, e outras pagadas pendentes de aplicación ao orzamento.

Esta forma de actuar supón unha vulneración sistemática do disposto no artigo 187 do Real Decreto Legislativo 2/2004, do 5 de marzo, polo que se aproba o TRLRFL que establece a orde de prelación de pagos, de tal forma que á hora de realizar a expedición das ordes de pago, terán prioridade as obrigas contraídas nos exercicios anteriores que se atopan pendentes de pago e as que entraron con anterioridade no Rexistro desta Entidade, así como da Lei 39/2015 do Procedemento Administrativo Común, que recollen a necesidade de tramitar os expedientes por riguroso orde cronolóxico de incoación dos mesmos, determinada, cando se trata de expedientes administrativos de gasto, pola data de presentación da factura no rexistro correspondente.

Oitava. - No orzamento vixente existe crédito adecuado e suficiente ao nivel de vinculación xurídica dos créditos establecido na Base 6ª de Execución dos orzamentos da Entidade Local Menor (área de gasto/capítulo) para facer fronte ás obrigas económicas derivadas das actuacións que motivan o presente expediente, sen prexuízo das repercusións orzamentarias que poden resultar desta imputación.

Novena. - Unha vez sexa, de ser o caso, adoptado o acordo polo órgano competente, remitirase á Intervención, procedéndose nese momento a efectuar a toma de razón deste.

Décima. - O presente informe constará e formará parte do informe que sobre a liquidación do orzamento do presente exercicio debe emitir a Intervención en aplicación do artigo 191.3 do TRLRFL e incorporárase, adicionalmente, ao expediente que sobre a Conta Xeral debe formar e redactar esta Intervención en aplicación do artigo 212.2 da normativa anteriormente citada.

.....

Non se producen máis intervencións.

ACORDO: Sométese o asunto a votación, resultando que por unanimidade dos catro membros presentes, acórdase aprobar a proposta tal como quedou anteriormente transcrita.

II. PARTE DE CONTROL:

3. Resolucións da alcaldía – pedanía

Acta da sesión ordinaria da Xunta Veciñal núm. 1/2020, do 27.02.2020



Entidade Local Menor de Bembrive

Pola Sra. Presidenta dase conta da relación das resolucións dictadas por esta Alcaldía dende a convocatoria da sesión do 18.12.2019 ata a desta, e que estiveron á disposición dos Sres. Vogais dende a convocatoria desta sesión:

- 113 11/11/2019 Adxudicación de contrato menor de servizos e subministros para “IX Carreira Solidaria 2019” a 9 empresas, por impte. total de 4.920,04 €.**
- 114 16/12/2019 Salvar reparo suspensivo de Intervención e continuar tramitación de expte. e aprobar relación de 2 xustificantes de gasto, nº 37/2019 (subministros e servizos), e orde de recoñecemento con cargo ás corresp. partidas para seu pago, por impte. bruto de 246,64 €.**
- 115 19/12/2019 Recoñecemento de obriga do gasto e orde de pago a 3 corporativos por asistencia a dúas sesións da Xunta Veciñal en novembro 2019, por impte. bruto total de 2.700 €.**
- 116 27/12/2019 Prórroga para o exercicio de 2020 do orzamento xeral do ano 2014, por impte. total de 642.000 € de ingresos e 630.000 € de gastos.**
- 117 27/12/2019 Aprobación do expte. de modificación orzamentaria núm. 8/2019 mediante transferencias de crédito entre partidas da mesma área de gasto, para dotar de crédito á aplicación 920.626, pola cantidade total de 1.214,24 €.**
- 118 30/12/2019 Aprobar relación de 1 xustificante de gasto, nº 38/2019 (C. Ciclista Vigués), e orde de recoñecemento con cargo ás corresp. partidas para seu pago, por impte. bruto de 3.630 €.**
- 119 30/12/2019 Aprobar relación de 5 xustificantes de gasto, nº 39/2019 (varios submin. e servizos do Certame de Rondallas), e orde de recoñecemento con cargo ás corresp. partidas para seu pago, por impte. bruto de 1.777,05 €.**
- 120 30/12/2019 Salvar reparo suspensivo de Intervención e continuar tramitación de expte. e aprobar relación de 12 xustificantes de gasto, nº 40/2019 (subministros e servizos varios), e orde de recoñecemento con cargo ás corresp. partidas para seu pago, por impte. bruto de 2.332,66 €.**
- 121 30/12/2019 Salvar reparo suspensivo de Intervención e continuar tramitación de expte. e aprobar relación de 4 xustificantes de gasto, nº 41/2019 (subministros e servizos varios), e orde de recoñecemento con cargo ás corresp. partidas para seu pago, por impte. bruto de 1.391,52 €.**
- 122 30/12/2019 Recoñecemento de obriga do gasto e orde de pago a 3 corporativos por asistencia a unha sesión da Xunta Veciñal en decembro 2019, por impte. bruto total de 1.350 €.**

Acta da sesión ordinaria da Xunta Veciñal núm. 1/2020, do 27.02.2020



*Entidade Local Menor
de Bembrive*

- 123 31/12/2019 Aprobar relación de 2 xustificantes de gasto, nº 43/2019 (servizos Ateneo Musical), e orde de recoñecemento con cargo ás corresp. partidas para seu pago, por impte. bruto de 1.900 €.**
- 124 31/12/2019 Aprobar relación de 2 xustificantes de gasto, nº 44/2019 (submin. Nadal), e orde de recoñecemento con cargo ás corresp. partidas para seu pago, por impte. bruto de 497,20 €.**
- 125 31/12/2019 Aprobar relación de 1 xustificante de gasto, nº 45/2019 (servizo Mancomunidade de Montes de Vigo), e orde de recoñecemento con cargo ás corresp. partidas para seu pago, por impte. bruto de 5.797 €.**
- 001 02/01/2020 Apertura de prazo de presentación de solicitudes do Fondo de Acción Social ao persoal desta Entidade correspondente ao exercicio de 2019.**
- 002 03/01/2020 Recoñecemento da obriga de gasto e orde do pago das nóminas dos traballadores desta Entidade correspondentes ao mes de decembro (incluídos complementos por produtividade e gratificacións extras), por 8.293,26 € (importe neto)**
- 003 03/01/2020 Recoñecemento da obriga de gasto e orde do pago das nóminas dos membros da Xunta Veciñal desta Entidade con dedicación correspondentes ao mes de decembro, por 2.153 € (importe neto)**
- 004 03/01/2020 Recoñecemento da obriga de gasto e orde do pago das nóminas das pagas extras dos traballadores desta Entidade correspondentes a decembro, por 4.714,30 € e dos membros da Xunta Veciñal con dedicación por 518,38 (imptes. netos)**
- 005 07/01/2020 Recoñecemento da obriga de gasto e orde do pago de atrasos nas nóminas dos traballadores desta Entidade correspondentes ao periodo xullo a novembro de 2019 (ambos incluídos), por 159,19 € (impte. neto)**
- 006 24/01/2020 Adxudicación de contrato menor do subministro de “reixa metálica” a Hierros Miguel S.L., por importe total de 580,80 €.**
- 007 05/02/2019 Recoñecemento da obriga de gasto e orde do pago de nómina de paga extra dun traballador desta Entidade correspondente a decembro 2019, por 1.329,95 (impte. neto).**
- 008 05/02/2020 Recoñecemento da obriga de gasto e orde do pago das nóminas dos traballadores desta Entidade correspondentes ao mes de xaneiro, por 6.181,97 € (importe neto).**
- 009 05/02/2020 Recoñecemento da obriga de gasto e orde do pago das nóminas dos membros da Xunta Veciñal desta Entidade con dedicación correspondentes ao mes de xaneiro, por 2.267,30 € (impte. neto).**
- 010 07/02/2020 Recoñecemento da obriga e orde de pago por sentenza do Xulgado Contencioso - Adm. 1 de Vigo, no P.A. 437/18, promovido por Acelec**

Acta da sesión ordinaria da Xunta Veciñal núm. 1/2020, do 27.02.2020



*Entidade Local Menor
de Bembrive*

Instalaciones Eléctricas S.L., condenando ao pago do imp. de 605 € en concepto de custes.

- 011 10/02/2020 Delegación na 1ª Tenente de Alcaldía (Patricia Otero Carrera) das funcións da Alcaldía Pedanía durante a ausencia por enfermidade do titular, desde o 13.02.2020 ata o remate da baixa médica.**
- 012 11/02/2020 Recoñecemento da obriga e orde de pago por sentenza do Xulgado Contencioso - Adm. 1 de Vigo, no P.A. 187/17, promovido por Bandin Audio S.L., condenando ao pago do imp. de 2.844,71 € en concepto de principal e xuros de mora.**
- 013 11/02/2020 Aprobación do expte. de modificación orzamentaria núm. 1/2020 mediante transferencias de crédito entre partidas da mesma área de gasto, para dotar de crédito á aplicación 171.619, pola cantidade total de 21.780 €.**
- 014 12/02/2020 Aprobación das bases do concurso de Comparsas e disfraces do Entroido de 2020, a celebrar o 29 de febreiro, e autorización de gasto e recoñecemento da obriga dos premios deste festexo por impte. total de 6.140 €.**
- 015 12/02/2020 Salvar reparo suspensivo de Intervención e continuar tramitación de expte. e aprobar relación de 13 xustificantes de gasto, nº 3/2020 (subministros e servizos varios), e orde de recoñecemento con cargo ás corresp. partidas para seu pago, por impte. bruto de 9.423,37 €.**
- 016 13/02/2020 Salvar reparo suspensivo de Intervención e continuar tramitación de expte. e aprobar relación de 11 xustificantes de gasto, nº 4/2020 (subministros e servizos varios), e orde de recoñecemento con cargo ás corresp. partidas para seu pago, por impte. íntegro de 2.438,54 €.**
- 017 13/02/2020 Aprobar relación de 1 xustificante de gasto, nº 5/2020 (submin. Hierros Miguel), e orde de recoñecemento con cargo ás corresp. partidas para seu pago, por impte. bruto de 580,80 €.**
- 018 19/02/2020 Tomar conta das observacións de Intervención e continuar tramitación de expte. e aprobar relación de 17 xustificantes de gasto, nº 2/2020 (subministros e servizos varios), e orde de recoñecemento con cargo ás corresp. partidas para seu pago, por impte. íntegro de 5.811,17 €.**
- 019 20/02/2020 Recoñecemento da obriga e orde de pago por sentenza do Xulgado Contencioso - Adm. 1 de Vigo, no P.A. 68/19, promovido por Oziona Soluciones de entretenimiento S.L., condenando ao pago do imp. de 21.780 € en concepto de principal.**
- 020 21/02/2020 Convocatoria de sesión ordinaria da Xunta Veciñal para o 27.02.2020 (4 asuntos).**

Acta da sesión ordinaria da Xunta Veciñal núm. 1/2020, do 27.02.2020



*Entidade Local Menor
de Bembrive*

4. Rogos e preguntas

Non se formulan.

E non tendo outros asuntos a tratar, a Presidencia levanta a sesión sendo as 20.27 h. do día indicado de todo o cal, como secretaria, dou fe.

Vº e pr. da Alcaldesa Pedánea, p.d.,

A Secretaria Interventora,

Asdo. Patricia Otero Carrera

Asdo. Patricia Alvarellos Leis